

ANG GINATUOHAN UG PAGTOO SA APOSTOLEKONG IGLESIA

Kining ginatuohan ug pagtoo nga na ugmad pinaagi sa pagtudlo sa mga Apostoles ug sa polong sa Diyos nga gihatag sa Balaang Kasulatan.

Sa pagpadayag sa among pagtoo sa pamaagi niini nga gikinahanglang masabtan nga kami nagtoo nga adunay usa lamang ka Diyos, ang buhi ug tinuod nga Diyos, nga ang pagka-Diyos nahimong Amahan, Anak ug Espiritu Santo kining tulo usa lamang ka Dios nga walay katapusan. Kini giila ingon nga ginatuohan sa pagkatrinidad sa Diyos.

(Deut. 6:4, I Cor 8:4, Mat 3:16-17, 28:19, I Pet 1:2, I Jn 5:7)

1. Kami nagtoo sa Diyos nga Amahan nga makagagahum, nga siya ang nagbuhat sa Langit ug sa Yuta.
(Gen 1:1, Gen 1:31, Exo 20:11, Salmo 102:25, Jn 1:3, Heb 1:10 11,3)
2. Kami nagtoo kang Hesukristo nga bugtong Anak sa Diyos nga Amahan sa atong Ginoo, ug manluluwas, nga gisamkon pinaagi sa Balaang Espiritu. Gianak ni Birhin Maria, nag-antus sa krus namatay ug gilubong. Nanaug hangtud sa Hades, ug sa ikatulo ka adlaw nabanhaw siya, nagtudlo sa iyang mga tinun-an sulod sa 40 ka adlaw, nga nagministireo sa Ginghamari-an sa Diyos. Misaka sa langit, ingon nga atong Labaw nga Sacerdote, siya naglingkod sa toong kamot sa Dios nga Amahan, nga makagagahum, sugodd didto Siya mobalik pag-usab aron iyang kuhaon ang mga balaan o mga pinili ug sa adlaw sa katapusang paghukom iyang hukman ang mga buhi ug usab ang mga patay.
(Mat 16:16 Mat 3:17 Mat 1:18 Mat 27:50 Mat 27:60 Ef 4:9 Mk 16:6 Lk 24:51 Heb 4:14 Mat 24:30 Mat 24:31 Jn 5:21-22)
3. Kami nagtoo sa Espiritu Santo, ang Balaan sa kalibutan nga Apostolekong Iglesia. Ang paghiusa uban sa mga Balaan, nga napasaylo ug natubos sa mga kasal-anan ug ang pagkabanhaw pag-usab ngadto sa kinabuhiing dayon.
(Jn 14:26 I Pet 1:12 Ef 4:4-5, 4:13, 2:20, 3:15, IICor 13:14 Buhat 26:18 Mat 26:28 Lk 14:14 Pin. 20:6)
4. Kami nagtoo nga si Hesukristo ang ulo sa Iglesia Siya ang naghari ug nag-andam pinaagi sa Espiritu Santo nga iyang gipadala ug nagpadayon sa iyang mga Apostoles.
(Col 1:18 Jn 14:26 Jn 6:23 IICor 3:6 Mat 28:18-20 Ef 2:20 Joel 2:23)
5. Kami nagtoo sa mga Apostoles ingon nga magtutudlo, Katabang, tigpatiwala ug mga sinugo sa atong Ginoong Hesukristo.
(Mat 28:18-20 Buhat 26:17-18 IICor 1:24 I Tim 2:1 IICor 5:20)

6. Kami nagtoo sa Balaan nga Kasulatan, sa Daan ug Bag-ong Testamento, apil ang tanang mga saad sukad pa sa sinugdan hangtud sa katapusan.
(Isa 34:16 Rom 15:4 Mat 24:35 I Pet 1:25 II Tim 3:16)
7. Kami nagtoo sa Balaang Bautismo sa Tubig, sa paagi nga kamiya ni Kristo Hesus.
(Mat 28:19 Gal 3:27 Rom 6:3-4 Jn 13:8 Ef 5:26-27 I Pet 3:21-22)
8. Kami nagtoo sa Balaang Lawas ug Dugo ni Kristo Hesus,nga pinaagi sa sakramento. Ang Amahan ug Anak ,pinaagi sa Espiritu Santo nga nagpuyo kanamo.
(Jn 6:53 Gal 2:20)
9. Kami nagtoo nga pinaagi sa Lawas ug Dugo ni Kristo Hesus, ang among kalag nasul-uban sa iyang pagkamatarung ug aron mahimo nga iyang pangasaw-unong Babaye, ug mahimong sudlanan sa Balaang Espiritu Santo,pinaagi sa among Amahan sa langit nga gi himo ang among kinasulurang pagkatawo samasa Iyang Anak.
(Mat 26:28 Pin 7:9 Pin 8:10 Pin 21:2 I Jn 2:29 Ef 14:13 I Cor 21:22)
10. Kami nagtoo sa pagpandong sa kamot, nga pinaagi niini nadawat namo ang dihog sa Balaang Espiritu Santo ug pinaagi niining pagpandong sa kamot sa mga Apostoles mahigmata ug madasig sa mga gasa sa Espiritu nga naa sa sulod namo.
(Jn 10:27 Buhat 10:38 Buhat 17:18 Ef 1:13 II Cor 1:22)
11. Kami nagtoo nga ang Espiritu Santo Siya ang nagahatag kanamo sa tanan nga mga pagtulon-an gikan sa langit, sumala sa mga pulong ug mga saad sa among Ginoong Hesukristo nga pinaagi sa mga Apostolis gipadala sa tibook kalibutan alang niining maong katuyoan.
(Jn 14:26 Jn 15:16 Jn 15:26-27 Mat 10:40 Luc 24:47-48 Pin 21:14)
12. Kami nagtoo nga kami mabuhi sa kaulahiang mga adlaw sa Ginoo. (Usa kalibo katuig,usa kaadlaw sa Diyos ug ang adlaw sa pagbalik sa among Ginoong Hesukristo hapit na. Ug iyang kuhaon ang iyang pangasaw-onong Babaye gikan sa mga pagkatulog sa mga patay ug sa mangabuhi sa unang pagkabanhaw
(Ex 20:11 II Pet 3:8 Mat 24:30-31 I Tes 4:13-18 Pin 20:4-6)
13. Kami nagtoo sa panaghiusa didto sa langit uban ni Kristo ug dinhi sa Yuta, ug ang panahon sa pagkahinlo mahitabo na.
(Jud 14:15 Ef 5:26-27 Pin 19:7-9 Heb 12:26 II Pet 3:10)
14. Kami nagtoo nga maghari ang kalinaw sulod sa usa ka libo ka tuig dinhi sa yuta ingon sa 7 ka adlaw sa Ginoo, pagkatapos niini mosunod ang

katapusang paghukom.

(Dan 2:44 Mat 16:28 Mat. 25:34 Pin 20:6 Pin 20:11-15)

15. Kami nagtoo sa Diyos nga Amahan ingon nga magbubuhay ang anak sa Diyos ingon nga Labaw nga Sacerdote nga siya ang tigpataliwala alang kanamo, ug diha sa Espiritu Santo sa Lawas ug Dugo ni Hesukristo ingon nga among magtutudlo nga nagpakigsulti kanamo, diha sa Balaan nga Apostolekong Iglesia (Neh 9:6 Heb 4:14-16 Rom 8:9-14 I Pet 3:18 I Pet 1:15-19)

ANG NAPULO KA SUGO NGA NAHATAG SA DIYOS NGADTO KANG MOISES SA BUKID SA SINAI (EXODUS KAPITULO 20)

1. Ako mao si Jehova nga imong Diyos nga nagbawi kanimo gikan sa yuta sa Egipto, gikan sa balay sa pagkaulipon. Dili ka magbaton ug laing mga diyos sa atubangan ko
2. Alang kanimo dili ka magbuhay ug usa ka larawan nga linilok sa dagway sa bisan unsang butanga nga atua sa itaas sa langit. Kon dinhi sa ibabaw sa yuta, kon anaa sa tubig sa ilalum sa yuta. Dili mo iyuko ang imong kaugalingon kanila ni mag-alagad sa kanila: Kay ako si Jehova nga imong Diyos mao ang Diyos. Ang Diyos nga abugho-an nga nagaduaw sa pagkadautan sa mga Amahan sa ibabaw sa mga Anak sa ibabaw ikatalo ug sa ibabaw sa ika-upat ka kaliwatan sa mga nagadumot kanako; ug nagapakita ako sa mahigugma-ong kalolot alang sa linibo kanila nga mahigugma ug nagabantay sa akong mga sugo.
3. Dili mo paggamitan ang ngalan ni Jehova nga imong Diyos sa pasipala. Kay si Jehova dili mag-isip nga walay sala niadtong nagagamit sa iyang ngalan sa pasipala.
4. Hinumduman mo ang adlaw nga igpapahulay, aron sa pagbalaan niini. Sa unom ka adlaw nagbuhay ka, ug buhaton mo ang tanan nga imong buhaton; apan ang adlaw nga ikapito maoy usa ka adlaw nga igpapahulay alang kang Jehova nga imong Diyos: niining adlaw dili ka magbuhay, ikaw, bisan ang imong anak nga lalaki. Bisang imong anak nga babaye, bisang imong mga sulogoon ng lalaki, bisang imong sulogoon nga babaye, bisang imong kahayupan, bisang imong dumoloong nga anaa sa sulod sa imong mga pulthahan: kay sa unom ka adlaw gibuhay ni Jehova ang langit ug ang yuta, ang dagat ug ang tanan nga anaa niini, ug.

- mipahulay sa ikapito ka adlaw: busa gipanalanginan ni Jehova ang adlaw nga igpapahulay, ug gibalaan niya kini.
5. Tahirun mo ang imong amahan ug ang imong inahan; aron magahataas ang imong mga adlaw sa yuta nga gihatag kanimo ni Jehova nga imong Dios.
 6. Dili ka magpatay
 7. Dili ka magpanapaw
 8. Dili ka magpangawat
 9. Dili ka magsaksi ug bakak batok sa imong isigkatawo
 10. Dili ka maibug sa balay sa imong isigkatawo; Dili ka maibug sa asawa sa imong isigkatawo, ni sa iyang sulugoon nga lalaki ni sa sulogoong babae ni sa iyang vaca, ni sa iyang asno, ni sa unsang butang nga iya sa imong isigkatawo.

ANG KASUGOAN NGA GISULTI NI HESUS NGA NAHISULAT DIHA SA MARCOS KAPITULO 12

Ang unang kasugoan mao kini, Patalinhugi, o Israel; Ang Ginoo nga taong Diyos ang Ginoo usa ra: Ug higugmaa ang Ginoo nga imong Diyos sa tibuok mong kasingkasing, ug sa tibuok mong kalag, ug sa tibuok mong salabutan, ug sa tibuok mong kusog: Ang ikaduha mao kin: Higugmaa ang imong silingan sama sa imong kaugalingon. Wala nay laing sugo nga labi pang daku niini.

MGA RELIHIYOSONG PAGTULON-AN

1. Giunsa pagbuhat sa Diyos ang Langit ug ang Yuta diin atong nakita ang tanang mga kahayupan, mga langgam, mga isda ug mga tanum nga mitungha nga adunay mga kinabuhi?
 Tubag: Kini gibuhat pinaagi sa makagagahum nga Diyos. Gikan sa wala, ug pinaagi sa iyang pagkagamhanang pulong, sulod sa unom ka adlaw sa iyang panahon, ug ang tanan nahimo nga maayo
 (Gen. 1:1 Heb 11:13 Neh 9:6 Job 26:7 Awit 102:25 Buhat 14:15)
2. Unsa man ang pinakaimportanteng bahin sa mga gibuhat?
 Tubag: Sa diha nga gibuhat sa Diyos ang tawo sumala sa iyang dagway, ug gikan sa lalaki iyang gibuhat ang babaye aron adunay mahimo niyang katabang
 (Gen 1:26-27 Col 3:10)

3. Unsa man ang buot ipasabot sa gihimo niya sumala sa panagway sa Diyos?
 Tubag: Ang Dios adunay tulo ka bahin sa pagpadayag; Ang Amahan, Anak ug ang Espiritu Santo ug ang tawo usab gibuhat nga adunay lawas kalag, ug Espiritu sa mao ka usab nga paagi.
 (Gen 2:7 Mat 10:28 I Thes 5:23 Sant 2:26)
4. Nganong gibuhat man sa Diyos ang unang tawo, Si Adan ug gikan kang Adan ang unang babaye nga si Eva?
 Tubag: Gusto sa Dios nga mapuno ang yuta pinaagi sa unang tawo, mga pumuloyo nga kanunay maghatag ug mga pagdayeg sa Diyos ug mahimong kabahin sa kinabuhi nga walay katapusan kauban niya sa kinatas-an diha sa kalangitan.
 (Gen 1:28 I Cor 10:31 Awit 73:24-26 Jn 17:22-24)
5. Ang tanan ba nga anaa sa gingharian sa Diyos nga iyang binuhat mga malipayon ba sa mga plano sa Diyos?
 Tubag: Dili, Si Satanas, ug mga anghel nga kauban niya ang dili angayan mabuhi kauban sa Dios sa iyang himaya, sa kinahitas-ang kalangitan.
 (Gen 3:13-15 Pin 12:9-10 Pin 20:20)
6. Unsa man ang pinakabilihon nga pakigsaad nga gihatag sa Diyos ngadto ni Adan ug Eva para sa ilang kaugma-on?
 Tubag: Gisaad sa Diyos ang kinabuhi nga walay katapusan ngadto kanila ubos sa kondisyon nga magmasinugtanong pagsunod. Gidili kanila ang pagka-on sa bunga sa kahoy sa maayo ug dautan, kamatayon ang mahimong silot.
 (Gen 2:16 Prov. 11:19 Ezek 18:4)
7. Si Adan ug Eva nagpabilin ba gihapo sumala sa ilang pagkabinuhat?
 Tubag: Wala, pinaagi sa pagtintal ni Satanas, sila nahimong masinupakon ug misulay sila sa pagpangatarungan sa ilang kasal-anan.
 (Gen 3:1-13)
8. Unsa ang nahimong bunga niini?
 Tubag: Ang Diyos napugos sa pagpalayas kanila sa iyang Tanaman. Ug gipaila ngadto kanila ang kamatayon sa lawas ug naghimo ug dapit diin didto sila maghulat (gitawag nga Hades) alang sa walay katapusang kalag aron hulaton ang katapusan nga paghukom.
 (Gen. 3:24 Gen.; 3:101 Salmo 9:9-17 Salmo 16:10 Pro20:12-13)

9. Unsa ang mahimong epekto sa kaugma-on sa tanang mga kaliwatan gikan kang Adan ug Eva?
 Tubag: Sukad pa sa sinugdan atong napanunod ang natural nga kinabuhi gikan kang Adan ug Eva, mao nga atong nasunod ang silot tungod sa daang kasal-anan.
 (Roma 5:12 I Cor 15:22 Salmo 51:5)
10. Kini ba maoy katapusang plano sa diyos para sa mga tawo?
 Tubag: Dili, Ang Diyos walay pagkabag-o sa iyang tukmang mga plano ug pamaagi nga abuton ang kalibutan nga mga lalaki, ug babaye mapagsig-uli kaniya ingon nga Iyang mga anak nga lalaki ug anak nga babaye ug dawaton ang saad nga giandam sa iyang mga katawhan?
 (Exo 3:14 Mal 3:6 San 17 Gen 3:15)
11. Giunsa pagpasiuna ang pagtudlo sa Diyos sa mga katawhan?
 Tubag: Sa sulod sa 4,000 katui gipakita sa Diyos ang iyang kagahum sa pamaagi sa dakung baha gikatag ang mga tao sa Babel, nagpili sa mga tawo ug paghatag ngadto kanila sa gisaad nga yuta gipaila ang kasuguan ug paghalad ug pagiya kanila pinaagi sa mga pulong nang mga manalagna. Apanang tawo dili gihapon niya maangkon ang Saad sa kinabuhing dayon tungod sa kasal-anan.
 (Gen 6:7-8 Gen 17-19 Ex 29:30 Mat 23:24 Mal 14:4-5)
12. Unsa man ang gihiimo sa Dios aron sa pagbabalik sa gisaad nga kinabuhing walay katapusan sa katawhan?
 Tubag: Gipadayag sa dios ang iyang Dakung Gugma pinaagisa pagpadala sa iyang bugtong Anak nga si Hesukristo sakalibutan, aron mahimong ikaduhang tawo nga gimugna sa Diyos aron magmadaugon sa mga kaaway, kasal-anan, Empierno ug kamatayon, ug masugdan ang bag-ong dalan.
 (I Jn 5:11 Jn 1:1-14 Heb 2:14 Luk 1:32 Luk 2:1-15
 Jn. 3:16)
13. Giunsa pagmugna ang ikaduha nga tawo?
 Tubag: Siya gisamkon pinaagi sa Espiritu Santo ug nahimugso sa usa ka Birhin ug tungod niini wala makapanunod sa daang kasal-anan tungod kay una mang siya gipanganak diha sa Espiritu ug ikaduha sa unod
 (Mat 1:23 Luk 1:26-35)
14. Unsa ang Iyang gibuhat nga magmadaugon batok sa iyang kaaway, ang kasal-anan?
 Tubag: Nagmadaugon si Hesukristo sa tanan nga tintasyon sa kasal-anan sa iyang tibuok nga kinabuhi dinhi sa yuta, ug tungod

kay walay sala iyang gidala ang kasal-anan sa tibuok kalibutan ingon nga usa ka perpektong pagsakripisyo.

(Mat 4:1-11 Jn 1:29 Heb 4:15 Heb 9:26 I Jn 1:7)

15. Giunsa niya pagbuntog ang kaaway, ang Impierno?
Tubag: Pagkatapus sa iyang pagpalansang. Ang iyang kalag gikinahanglan nga maadto sa Hades tungod kay kini ang naahimutangan sa tanang mga tawo. Tungod sa iyang dakong kadaugan batok sa kasal-anan ug sa iyang pagsalig sa Diyos siya adunay kagahum sa pagbuntog sa pultahan sa Impierno hangtud sa walay katapusan.
(Prov 1:18 Luk 23:43 Ef 4:8-10 I Ped 3:19)
16. Giunsa niya pagbuntog sa kaaway, ang kamatayon?
Tubag: Ug sa tulo kaadlaw sa iyang kamatayon si Hesus Kristo nabanhaw sa iyang lawas aron makita sa tanan nga siya nabuhi pag-usab aron madayag kanato nga ang kamatayon dili kanato magmalampuson.
(Heb 2:14 Luk 42:5-7 Jn 20:29 I Cor 15:4-8)
17. Unsa ang papil nga kinahanglan himoon ni Hesus Kristo?
Tubag: Karon iyang gipahimotang ang mga pamaagi, ug pina-agi sa pagtoo, ang tibuok katawhan nga makadawat ug katungod nga mahibalik pag-usab sa Paraiso, nga magkinabuhi sa gingharian sa Diyos ug maangkon ang kinabuhing dayon sa himaya sa Diyos sa Kalangitan.
(Ef 2:4-5 I Cor 3:11 I Jn 2:1 I Cor 15:20-21)
18. Sa unsa nga paagi dinhi sa yuta kini mahitabo?
Tubag: Gipahimotang sa atong Ginoon ang Iglesia aron kini mahimong kinatibok-ang Apostoliko, mikayab sa langit aron mahimong ulo sa Iglesia gipadala ang Espiritu Santo aron magagiya ug mangulo sa iyang Iglesia aron mahimong atong Propeta ug Haring Saserdote. Hangtud sa walay katapusan sa tuong kamot sa Diyos ingon nga tigpataliwala sa tawo ug sa Diyos hangtud nga siya moanhi pag-usab ug kahaon kita niya diha sa iyang kaugalingon aron mahimo nato siyang Hari sa mga Hari.
(Jn 20:21 I Jn 15:16 Buhat 2:1-4 Ef 5:23 I Tim 2:5 Heb 6:20)
19. Unsa ang papil ug katungdanan ug obligasyon sa Iglesia?
Tubag: Ang obligasyon sa Apostolikong Iglesia nga aron dalhon ang tanan sa gracia sa atong Ginoong Hesus Kristo; Aron mahibalik ang mga tao diha sa Diyos ug aron sila madala sa pagsalig sama sa usa kabata nga pinaagi sa Balaang Espiritu aron maandam

ingon nga pangasaw-onon sa iyang pagbalik diha sa kagahom ug himaya nga hapit ng mahitabo.

(Efeso 2:4-5 I Cor 5:20 Jn 6:13-14 Mat 24:31)

20. Mawala ang atong Dapit sa Iglesia, kauban ang tanan nga mga saad kong kita mobiya na niining kinabuhi-a?

Tubag: dili, ang atong Ginoong Hesukristo sa dihang gibontogang kasalanan, ang kamatayon, ug ang impierno, nag andam siya ug duha ka dapit nga didto maghulat para sa mga kalag nga kaugalingong giandam sa iyang grasya sa maong kinabuhi, mao nga ang Iglesia kinahanglan magpabilin usa kauban angsakop sa tulo ka dapit.

(Jn 14:1-4 Rom 14:8-9 Rom 1:17 Exek 42:3-6)

21. Unsa man ang tulo kadapit sumala sa pilong sa Diyos?

Tubag: Ang buhing Iglesia sa kalibutan, sa ilalum sa bulawang halaran para sa mga martir o balaan, ug paraiso alang sa mga kalag nga mitubag sa iyang pagtawag sa atong Ginoong Hesukristo.

I Pet. 2:5 Prov6:9 Luk 23:23 Rom 3:24-26 II Cor 12:9 Mat 16:24 II Cor 12:4 Prov 2:7)

22. Aduna bay sugo ang Diyos nga Iglesia kinahanglan mamuhat?

Tubag: Oo, ang Diyos mao ang Diyos sa kahusay ug sukad sa una ug sinugdan sa panahon iya nang nalantaw ang iyang Iglesia nga gikinahanglan mulihok ug mubuhat sumala sa giapod-apod nga mga gasa, nga ang uban mga Apostoles ug sa mga propeta, Ebanghelista, ug mga Pastor ug mga magtutudlo gitudlu-an ang mga magbubuhat sa Diyos mapahimutang nga siya pinakaunang bato sa tanan.

(Gin 2:10-14 Ezek 10:14 Ef 4:11-13 Prov 4:4-11)

23. Ang Iglesia Apostoleko nagmauswagon ba tapus napahimotong ni Kristo?

Tubag: Oo, diha sa libro sa buhat nahisulat ang pag-uswag ug kabungahon nga gihatag sa Iglesia samtang kini gipangulohan sa Espirito Santo pinaagi sa pagdumala sa ministiryo sa mga Apostoles

(Buhat 1:26 Buh 2:27 Buh 8:14 Bu 10:47 Buh 23:11)

24. Ngano nga ang Iglesia Apostoleko kauban ang mga nangibuhi sa Apostol nga wala man nagapadayon?

Tubag: Tungod kay ang mga ministiryo sa pagkapari nagtingoha nga ilang ipataas ang ilang kaugalingon ug dili pinangayo sa Ginoong ang Pagdayon sa ministiryo sa mga Apostoles ug gipulihan kining maong opisina sa tinawhanon nga pagpangalad ug gibalhin ang

- pagtulon-an sa tinawhanon nga ilang gikuha ang pagtulon-an sa kasaysayan sa Dios.
(II Tes 2:3-4 Joel 1:17 II Cor 11:13-15)
25. Unsa ang mahimong bunga sa ilang gibuhad?
Tubag: Nawala ang giya sa Espirito Santo sa Iglesia ug daghan ang mga gasa ug panalangin nga nawala ug nawad-an na ug kinabuhi ug ang Iglesia nagauna na ang pagdumala sa mga maalamon tawo ug mga bulohaton sa tawo ngadto sa kangitngitan.
(Prov 17 Isa 47:10-11 Joel 1:13-14 IJn 5:9)
26. Ang Dios nahimuot ba sa maong binuhatan?
Tubag: Dili, Si Hesukristo mao ang nahauna ug ang naulahi ang sinugdan ug katapusan ang Apostolikong Iglesia pinaagi sa buhing Apostoles ipahibalo sa kalibutan ang iyang Grasya ug ang iyang mga Saad mangatuman
(Joel 2:33 Mat 28:20 Sant 5:7)
27. Unsa ang obligasyon bulahaton sa Apostolekong Iglesia?
Tubag: Ang mga Apostoles mao ang pinadala sa atong Ginoong Hesukristo, gitugyanan aron magahatag ug mga pagtolon-an ug mga sugo ug nagpahimutang sa mga opisyaes, gamiton ang mga gasa. Pandungan sa mga kamot ug gipadayag ang kapasaylo-an sa sala ug nagpanghatag ug grasya.
(Jn 17:18-20 Mat 28:18-20 II Cor 5:18-21 Buhat 6:6-7 Buhat 8:17)
28. Giunsa pagpaambit sa Iglesia ang grasya ni Kristo?
Tubag: Pinaagi sa mensahe sa pulong sa Diyos ang kapasay-loan sa mga kasal-anan ug mga balaang sakramento.
(Mat 26:13 Jn 20:21-23 Mat 28:20 Jn 3:5-8)
29. Pila man ka sakramento nga naa sa Iglesia Apostoleko?
Tubag: Tulo - Bautismo(sa tubig) Balaan nga Kumonyon, ug pagpamandong sa kamot.
(Mat 28:19 Mt 26:26-29 Jn 6:54 Ef 4:30)
30. Pila man karon ang nagpamatuod nga anaa sa langit, sumala sa Biblia?
Tubag: Ang (Amahan) ang pulong. (Anak) ug ang Espirito Santo ug kining tulo usa lamang.
(I Jn 5:7 Mat 3:16-17 Mat 28:19 I Pet 1:2)
31. Pila man ang nagpamatuod nga naa sa Iglesia sa yuta?
Tubag: Tulo - Tubig, Dugo ug Espirito; ug kining tulo nagakauon sa matag usa.
(I Jn 5:8 I Jn 5:6 Buhat 10:47 Pro 1:5 Pin 1:5 Pin 7:14 Pin 22:17)

32. Unsa ang atong madawat pinaagi sa bautismo sa tubig?
 Tubag: Kita nahibilag gikan sa kalibutanon. Sa pagkaagi nga naluwas kita gikan sa orihinal nga kasal-anan ug hanisulat diha sa libro sa kinabuhi ni Kristo.
 (Jn3:5 Mar 16:16 I Cor 12:13 Gal 3:27 Ef 5:26-27 Prov 20:15)
33. Unsa ang atong madawat sa pagpaki-g-ambit sa Balaan nga Kumonyon ug angay kaniya?
 Tubag: Atong madawat ang kapasayloan sa atong mga sala ug sa atong kasal-anan ug kini gipulihan pinaagi sa pagkamatarung diha kang Kristo Hesus.
 (I Jn 1:7 II Cor 5:21 Mat 26:28 Prov. 19:8 II Ped 1:1 I Pet (2:24)
34. Unsa ang atong madawat sa Balaan nga pagpamandong sa kamot sa mga Apostol?
 Tubag: Ang dihog sa Balaang Espirito Santo
 (Matt 3:16-17 I Cor 12:13 Rom 6:3-4 Jn 14:17 Ef 4:30)
35. Nganong gihatag sa Diyos kanato ang dihog sa Espirito Santo sa taliwala sa pagpamandong sa kamot sa mga Apostoles?
 Tubag: Kining Espirito nga diha sa sulod nato maandam nga mahimo sama sa panagway ni Kristo ug mahimong andam para sa ulahi ug bag-ong pagkatawo sama sa atong Ginoo sa iyang pagbalik dinhi sa yuta.
 (Rom 8:14-16 I Cor 6:19-20 II Cor 3:18 I Thes 4:15-17)
36. Ngano man nga kita nagtoo nga haduol na mobalik ang Ginoong Jesu-Cristo?
 Tubag: Tungod kay ang mga iihanan sa panahonan aniana. Sumasala sa panagna sa mga propeta diha Ginoo ug sa Diyos ang usa kalibo katui g sama lang sa usa kaadlaw sumala sa balaang kasulatan.
 (Mat 24 Buhat 1:11 Heb 8:28 Pin 3:11 II Pet 3:8)
37. Unsa ang mahitabo sa yuta sa dili pa ang pagbalik ni Kristo?
 Tubag: Sumala sa Balaang Kasulatan ang Apostolekong Iglesia makatagamtan ug dakong kasakitan, ang kagahum, magapanggula aron pasundon ang kalibutan sumala sa pamaagi ni Satanas ug siya magagamit ug kusganong gahum ngadto sa mga katawhan aron iyang pugson nga dili pasimbahon sa Diyos ug kang Kristo.
38. Unsa ang angay natong buhaton sa panahon karon?
 Tubag: Kita kinahanglan makasinati sa tanan nga kasakitan ug

mga pagsulay ug dili kita angay nga makipag-uban sa kalibutan kon dili mahimong magmakosganon nga magabarog sa atong pagsalig ug pagtoo diha kang Hesukristo nga atong Ginoo.
(Mat 24:13 Mat 10:22 San 1:12 Isa 26:4 I Pet 1:7-9)

39. Kining maong pagsalig aduna bay mga ganti?
Tubag: Oo, Kita Iyang hatagan ug kusog, ug kalig-on ug sa iyang pagbalik ang tanan nga nagapabiling matinod-anon diha kang Kristo dili makatagamtam ug kamatayon.
(Isa 26:8 Luk 20:36 Isa 25:8 I Cor 15:24 II Tim 1:10)
40. Unsa man ang tumong sa pagbalik sa atong Ginoo?
Tubag: Siya gipadala gikan sa kalangitan ingon nga usa ka pangasaw-onon nga lalaki. Nga dalhon kauban kaniya ang tanan kalag gikan sa bulawanong altar ug paraiso buhion pag-usab ang ilang lawas gikan sa yuta, kompletohon ang bag-ong pagkatawo diha kanila bag-ohon ang matinod-anon nga kinabuhi ug kuha-on ang mainandamon nga Iglesia ingon nga iyang pangasaw-onong babaye paingon sa kalangitan aron ipaatubang sa Amahan para ikasal sa Ginoo.
(I Tes 4:13-17 II Tim 4:8 Pin 21:2 II Cor 11:2)
41. Sa panahon niing maong panalangin sa kalangitan. Unsa man ang mahitabo sa yuta?
Tubag: Ang yuta ug ang tanan nga anaa niini iyang hinlu-an pinaagi sa kalayo ug ang tanan butang mamahimong bag-o.
(II Pet 3:6-7 Dan 2:44 Isa 11:1-14 II Pet 3:13)
42. Kita ba magapabilin kauban kang Hesus sa kalangitan?
Tubag: Dili siya mobalik sa yuta kauban ang tanan nga mga Balaan nga nakaambit sa iyang kadaugan, gapuson si Satanas, ug ipahimutang ang iyang ginghari-an, ang milenyo paghari sa kalinaw sulod (1000) usa ka libo ka tui.
(Pin 20:14 Isa 65:17 II Ped 3:13)
43. Unsa man usab ang mahitabo kong hapit na ang katapusan niining maong gingharian?
Tubag: Si Satanas pagabuhi-an sulod sa hamubong panahon. Aron sulayan ang tanan mga mangatawo sa gingharian nianang panahona.
(Pin 20:9-10)
44. Unsa ang kapalaran ni Satanas?
Tubag: Ang Dios magamando ngadto sa mga anghel aron dag-on si Satanas ug ang iyang mga sumusunod. Tapus niining tanan sila itambog ngadto sa Impierno aron maghulat sa paghukom.
(Pin 20:9-10)

45. Unsa na man usab ang sunod pagkatapos sa paghari sa kalinaw sa sulod sa 1000 katuig?
Tubag: Ang ikaduha nga pagkabanhaw ug ang tanan gikan sa sinugdan sa kalibutan muadto aron pag-atubang sa Dios.
(Pin 20:11-15)
46. Unsa man ang mahimong katapusan sa matinud-anong Iglesia?
Tubag: Kinabuhing walay katapusan didto sa kalangitan diha sa panalangin sa Diyos aron ipakita nga siya walay kausaban.
(Pin 22:15 Mat 43 Fil 3:21 Salmo 73:24)
47. Unsa ang kinatibuk-ang hinagiban nga gikinahanglan sa pangasaw-onong babaye ni Kristo?
Tubag: 1. Pagbakos ug kamatuoran
2. Ang pulsilas sa pagkamatarung
3. Ang sapatos nga Evangelio sa Kalinaw
4. Ang Taming sa pagtoo ug pagsalig
5. Ang kalo nga mao ang kaluwasan
6. Ang espada nga mao ang Espirito. Ang mga pulong sa Dios
7. Nga maga Ampo kanunay nga adunay kinatibuk-ang kasigurohan ug tinuod nga pagtuman sa tanan nga pagkabalaan.
(Efeso 6:13-18)

MGA PAG-AMPO

Kita kinahanglan kanunay mag-ampo sa Ginoo, Si Hesukristo samtang siya dinhi sa Yuta nagapakita ug ihimplo matag buntag udto ug gabii. Kanunay nagahatag ug nagpasalamat ug bisan pa sa panahon sa kasamok.

I Tesalonica Kapitulo 5 Bersikulo 17-18:

Pagampo kamo sa walay paghunong. Pagpasalamat kamo sa tanan hi gayon kay kini mao ang pagbuot sa Dios diha kang Kristo Hesus alang kaninyo.

Mateo Kapitulo 26 Bersikulo 41

Pagtukaw ug pag-ampo kamo aron dili kamo mahidalin-as ngadto sa panulay sa pagkatinod matinguhaon ang Espirito apan maluya ang lawas

ANG SUNOD NGA SUMBANAN SA MGA PAG-AMPO MATAG ORAS

ANG PAG-AMPO NGA GITUDLO SA ATONG GINOO

Amahan namo nga anaa sa langit
Pagabalaanon unta ang imong ngalan
Paanhian ang imong gingharian
Pagabuhaton unta ang imong kabubut-on
Dinhi sa yuta maingon sa langit
Hatagi kami karon sa pagkaon namo sa natag-adlaw
Ug pasayloa kami sa among mga utang
Maingon nga kami usab nakapasaylo man sa mga nakautang
kanamo
Ug ayaw kami itugyan sa panulay kondili luwasa kami gikan sa
dautan
Kay imo ang ginghari-an, ug ang gahum, ug ang himaya
hangtud sa kahangturan
Amen

Pangutana: Unsa ang buot ipasabut sa pulong AMEN?
Tubag: AMEN nagkahulogan sa pinulongan, OO Ginoo tinuod
ang hitabo.

PAG-AMPO SA MGA BATA

Ang mga kabataan gikinahanglan tudlo-an pag-ampo
masugod sa ubos nga pangidaron ug ang mosunod sumbanan
sa pangbata nga pag-ampo.

PAG-AMPO SA USA KA BATA SA PAGKAON

Nagpasalamat kami kani mo Ginoo tungod sa imong
panalangin nga sa imong paghigugma nga imong gibuhad kanamo
sa adlaw-adlaw. O Diyos gihatagan mo kami sa grasya ug kaluoy
hangtud sa katapusan, pinaagi sa ngalan ni Hesukristo ug
Manluluwas.....Amen.

PAG-AMPO SA BUNTAG SA GAMAY NGA BATA

Mahigugma-on nga amahan ako mahigmata gikan sa mahinanokong ug mindot nga pagkatulog. Ang imong kabubot-on sa kanunay magapabilin ang kahapsay karong adlaw ug gikan sa masigpit nga dalan. Ang imong mga anghel magabantay sa palibut. Pinaagi sa among Ginoo ug Manluluwas nga si Hesukristo.....Amen

PAG-AMPO SA GABII SA GAMAY NGA BATA

Mahigugmaon namong Amahan. Kanimo akong gipaabut angpadayeg ug pasalamat sa tanang mga butang kabaskog, pagbantay, pagkaon ug kahayag sa tibuok nga adlaw hangtud sa gabii ug sa akong pagpahulay sa pagkalulog ang imong mga anghel nagabantay kanako pinaagi sa among Ginoo ug manluluwas nga mao si Hesukristo.....Amen

PAG-AMPO SA MGA BATA PAGKATAPUS SA BALAAAN KOMUNYON

Ginoo gipasalamatan ka namo niining Adlaw sa imong pagbantay ug pag-uban kanamo sa among pagalaktan. Tuguti ang imong grasya nga magpabilin kanamo aron ang kasal-anan mawagtang hinaut nga sa kanunay haduol ang imong mga anghel aron dili kami mahadlok pinaagi sa among Ginoo ug manluluwas nga mao si Hesukristo.

PAG-AMPO SA USA KA BATA SA PAGESULOD SA SIMBAHAN

Balaang Espiritu katam-is ug kamaayo mo tudlo-an mo ako sa iksaktong panghunahuna ubanan mo ako niining maong adlaw kini akong gihangyo ug giampo karon. Panalanginan mo ang among Apostol sa iyang gugma. Pun-on mo sila sa imong kahibalo gikan sa kahitas-an. Pinaagi sa among Ginoo ug Manluluwas nga si Hesukristo.....Amen

PAG-AMPO SA USA KA BATA SA IYANG
PAGKADIOSNON ALANG SA IYANG MGA GINAKANAN

Amahan namo nga anaa sa langit, gipasalamatan ka namo sa imong matam-is nga pag-amping ug padayon nga pagpanalangin sa akong pagkaDiyosnon sa akong ginakanan, gikinahanglan ko ang pag-ampo, Ginoong Diyos, nga pinaagi sa imong grasya, tugoti nga magapuyo ang imong Espirito ug dili mulobad ang pagkamatinuohon sa akong mga ginikanan ug maingon man usab kanako. Tabangi ako Ginoo nga magpabilin kanako ang hataas nga panahon sa pag-alagad ug kinaiyahan nga ilang itudlo sa akong huna-huna. Tabangi ako oh Amahan. Sa paghigugma mga mahimong kahayag sa ilang nagakasalop nilang mga adlaw nga pinaagi sa akong kinabuhi nga nagatoo ug nasalig nga mahimong kinabuhi nga tubag sa ilang mga pag-ampo ug kong ako mahanaw para sa akong mga ginikanan nga unta mahimo ako nga usa sa ilang mahandum nagasidlak nga bituon aron maga uban sa akong paglakaw sa maayo ug dautan nga mga adlaw ang kinabuhing way katapusan hangtud nga ang paglakaw matapus. Oh Ginoo dungga ang akong pag-ampo nga pinaagi sa katingalahang buhat ug imong gugma diha kang Kristo Hesus.... Amen

KAHULOGAN SA SIMBOLON 4R

- Ang simbolo nagasugod sa krus nga ang kahulogan sa krus ni Hesukristo kong diin ang atong pagsalig ug pagtoo nagasugod.

- Ang sunod nga simbolo mao ang diretso nga lingin nga nagalibut sa krus nga buot ipasabut niini sa atong tibuok nga pagsalig nga nagalibut diha kang Hesukristo kini mao ang walay katapusan. Siya ang sinugdan ug ang katapusan sa atong mga pagsalig ug pagtoo.

- Ang 4R's na himo ug hulag-way kini nagakahulogan ug

pagkamatarung sa paghuhuna
pagkamatarung sa sinultihan
pagkamatarung sa bihuhatan
pagkamatarung sa mga Dalan ug Kinabuhi

Ang kinatibuk-an nagsulti nato 4R mao kini
Matuod, Makagagahum, Matarung, Bahandianon

1. Kita kinahanglan maningkamot nga magkinabuhi sa kinabuhing matarung sumala sa Balaan nga Kasulatan
2. Kita kinahanglan maningkamot nga mahimong sama sa Hari ingon nga usa kapangasaw-onon babaye nga kauban ni Kristo ang Hari sa mga Hari.
3. Kita mahimo lamang matarung sa pakig-ambit sa lawas ug Dugo ni Kristo.
4. Kita mahimong datu sa mga saad nga gihatag ni Kristo sa iyang mga alagad ug sa tanan nga pinaagi sa sulti sa mga Apostoles nga nagasalig diha kaniya.

ANG KAHULOGAN SA PAGPAMATUOD SA ATONG PAGTUO UG PAGSALIG

Atong gidawat sa atong mga kaugalingon ang responsibilidad nga bulohaton sa bunyag nga ginahatag sa atong mga ginikanan diha sa atubangan sa atong Ginoo. Kini naghulagway kanato niadtong kita gibautismohan.

CONFIRMATION HYMN 95 AT THE FRONT

At the front my vows were spoken,
by my parents in the Lord
That those vows shall be unbroken,
At the Altar I record
O, my saviour, Thou hath lead me,
Since I first became Thine own
Thou hath taught me in Thy sending
I should live for Thee alone.

Lord, meet me with Thy salvation
In Thy Church's ordered way.
Let me feel Thy Confirmation,
In thy love and truth to-day
Follow wholly thy directing,

Through thy word this very day,
I will trust in Thy protecting,
And will follow Thee, Thy way

Resting Saviour, in Thy merit
Strengthened through Thy Spirit's word
At the call I may inherit,
All Thy promised joy O Lord;
Now and evermore, remaining,
In the only true belief.
Might and firmness and strength gaining,
Hope and danger, joy in grief.

166. O BROTHER LIFE'S JOURNEY BEGINNING

Melody: Sankey 699

O brother, life journey beginning
With courage and firmness arise!
Look well the course Thou art choosing;
Be earnest be watchful and wise
Remember-two paths are before Thee,
And both thy attention invite
But one leadeth on to destruction
The other to joy and delight.

Chorus:

God help you to follow His banner
And serve Him wherever you go
God gave you the grace to say "No!"

O sister, yield not to the tempter
No matters what other may do;
Stand firm in the strength of the master,
Be loyal, be faithful, and true!
Each trial will make you the stronger,
If, you, in the name of the Lord,
Fight manfully under your leader,
Obeying the voice of His word.

Chorus:

O brother, the Saviour is calling!
Beware of the danger of sin;
Resist not the voice of the Spirit
That whispers so gently within
God calls you to enter His service-
To live for Him here, day by day;
And share by and by in the glory,
That never shall vanish away.
Chorus

MGA SUMBANAN SA PAG-AMPO SA MGA SAKOP

Matag buntag ang tibuok pamilya kinahanglan maghiusa sa pagtawag sa Trinidad sa Diyos sa pagbasa sa Texto sa Balaang Kasulatan. Ang pag-ampo gikinahanglan ihalad ingon nga sumbanan sumala sa nahauna nga pagpahimutang.

Ang pag-ampo gikinahanglan. Ipahinungod ingon nga giya sumala sa han-ay.

PAG-AMPO SA BUNTAG

Sa ngalan sa Diyos nga Amahan, ug Anak ug Balaang Espiritu....Amen!

Ginoong diyos, kami miduol kaniyo uban ang mapainubsanong kasingkasing sa imong atubangan ug among gidala ang among pagpasalamat kaniyo, nga kami imong giluwes sa tanang mga kaaway tibuok gabii nga gihatag mo kanamo ang imong grasya panalanginan mo kami sa among mga lakaw sa buntag ug hangtud sa gabii. Ikaw among pagadaygon, ug maykalipay sa mga buhat sa imong gugma tibuok adlaw. Ipahilayo mo kami sa tanan pagsulay, kagubot, kasakitan, ug kasub-anan, mga disgrasya, kagul-anan, katalagman, ug labaw sa tanan sa dili hibalo-an nga kamatayon. Himoa ang among hunahuma nga adunay buhat nga mahimong Balaan ug mapahimuslan, panalanginan ug kanunay wala

mahibalo o inosente; kong ang adlaw matapos nga unta anaa kami kanimong mga nagpaholay sa Balaan nga paglaum diha sa imong kaayohan ug panalangin maanaa unta kanamo. Bantayan mo ang imong mga Apostoles ug pun-on mo sila sa kahayag ug kahibabo sa Balaang Espiritu, Ampingan mo ang imong Iglesia ug imong mga ulipon sa tanang panahon ang imong kamot mag-una sa Bulohaton aron ang tanang kauswagan alang lamang kanimong.

(Kabuntagong panghi naut)

Kami naghangyo sa imong Espiritu nga muadto sa tanan nga mga nagatawag niining adlaw. Among panghinaut ang tanan ng magdumala sa tanan nasod nga sila imong hatagan sa imong Balaan nga Espiritu ug tabangi sila magadumala ug mag-una nga sumala sa katarong ug sa ingon labaw sa tanan pamonu-an ug itugyan mo ang matarung dungganon malinawon sa tibuok nasud itugot ang among pag-ampo pinaagi sa Ginoo ug manluluwas nga si Hesukristo.....

Amen.

Ang grasya sa atong Ginoong Hesu-Kristo, ang gugma sa amahan, ug ang pakig-ambit sa Balaang Espiritu maanaa kanatong tanan.....

Amen

Kini angayan sundon sa pag-ampo nga gitudlo sa atong Ginoo. Kini pagagamiton kong ang pag-ampo kinahanglanon.

Ang pag-ampo sa pasalamat gikinahanglan isulti una, matagka-on sa niining sumusunod nga sumbanan:

PAG-AMPO SA LAMESA SA DILI PA MOKAON

Langitnong Amahan, kami mapaimubsanaong nagpasalamat sa imong gihatag nga tungod niini kaming gipanalanginan; Among pag-ampo, panalanginan mo ang pagpakig-ambit niining maong pagkaon para sa among lawas. Pinaagi sa among manluluwas nga si Hesukristo.....Amen

Ang mga bata angay usab mag-ampo pagkatapus sa pasalamat sumala sa gitudlo kanila kong anaa sa usa ka lugar nga dili mahiangay nga kusgon pa ang pagpasalamat, pueding buhaton nga mahilom o sa hamobo lamang nga pag-ampo sa pagsulti lamang sa pulong: Ginoo panalangini kining maong pagka-on.....Amen

Adunay higayon sa adlaw nga ang panimalay mahunong sa makadiyot ug magbasa sa mga Salmo o sinultihan gikan sa balaang Kasulatan.

Ang panggabiing pag-ampo kinahanglan hi muon sa panimalay sa dili pa mopahulay pa pagkatulog sa Gabii, sumala sa mga mosunod nga linya.

PAG-AMPO SA GABII

Sa makausa pa Ginoong Diyos, tibook namong gipaubos ug nagbasol namong kasingkasing ug mahinulsulong Espiritu, kami miduol sa Imong atubangan, sa tibuok hapon ug nagahatag ug pagpasalamat.

Pagdayeg, pagpasidungog ug paghimaya diha kani mo, sa imong gugma gibantayan mo kami sa tanang pagsulay, kagubot, balati-an, kasub-anan, kaguol, ug mga disgrasya sa tibuok adlaw. Kami paingon na sa kagabhi-on ug wala masayod kong unsa ang anaa sa among atubangan, apan Ginoo kami mapainubsanong naghangyo Kani mo nga imong ipahimutang ang Balaang Anghel sa among palibut ug ngadto usab sa panimalay sa imong katawhan. Maangkon unta mano ang malinawon nga pagpahulay aron kami mahigmata sa maa-nindot nga kabuntagon gikan sa paghulay, aron among hi moon usab ang tanang pagtawag sa adlaw-adlaw namong buhaton. Ampingan mo ang imong Igleiya ug mga ulipon. Sol-uban mo ang imong mga Apostol sa imong kaalam ug pgsabut sa Balaang Espiritu ug hatagan sila sa maayong panglawas ug kabaskog himoon nila ang kanilang katungdanan. Panalipdi ang mga kabataan sa Igleiya sa tanang titasyon. Hinaut nga ang imong kamot maoy magauna sa maong bulohaton aron ang tanang kauswagan alang lamang Kani mo. Pinalipdi ang among pangulo ug ang among nasud ug hinaut ang kadungganang kalinaw maoy magahari sa tanang mga nasud. Kong asa man kami nakasala niining adlawa, among gihangyo nga ang maong kasal-anan matabunan pinaagi sa imong grasya aron kami magmadaugon pinaagi sa among Ginoo ug manluluwas nga si Hesukristo. Ginoong Diyos itugot ang among pag-ampo pinaagi sa among Ginoo ug manluluwas nga si Hesukristo.....
Amen.

Ang grasya sa atong Ginoo ug Manluluwas nga si Hesukristo, ang Gugma sa Diyos nga Amahan, ug ang pagpakigsaad ug pakig-uban sa Espiritu Santo maana kanatong tanan.... Amen

UBAN PANG MGA PAG-AMPO

Ang pagtambong sa bulohaton sa pag-alagad, ang pag-ampo gikinahanglan nga gikan sa kasingkasing. Ang sunod usa lamang sa sumbanan.

PAG-AMPO SA MGA MIEMBRO MATAG SULOD SA BALANON NGA PAGESIMBA

Ginoong Diyos, gipasalamatan ko ikaw, nga imo akong gitugutan sa pagtambong sa Balaanon nga Pagsimba, ug akong gihangyo kanimo nga imong tugutan nga ang imong Balaan nga Espirito mao ang magdumala sa akong hunahuna aron akong mahatagan ug pagtagad ang pagmantala sa ebanghelyo ug mapatik kini sa ilalum sa akong kasingkasing. Mahigugma-on namong Amahan, ako nagahangyo kanimo nga lig-onon mo ang mga Apostoles ug ang imong mga ulipon ug ubanan mo sila sa Balaan nga Espirito aron imantala ang mensahe sa ebanghelyo alang sa kaugma-on sa akong kalag.....Amen

PAG-AMPO TAPUS MAGPAKIG-AMBIT SA BALANG KOMUNYON

Mahigugma-ong Amahan, ako mapainubsanong nagahangyo kanimo nga pagatugutan akong madawat sa pagkamatarung diha sa balaan nga pagkatawo ug sa Dugo ni Hesukristo nga giamdam alang kanako. Pinaagi sa Balaan nga Espirito sa atong Ginoo nga iyang gipadala ug ako nakaambit. Ako nagahangyo Kanimo nga ipadala kining panalangin ngadto sa may mga balatian ug sa adunay kaluyahon ug ngadto sa wala makatambong ug sa mga nagasalig sa akong pagbantay.....Amen

PAG-AMPO SA PAGHINULSOL SA PAGPANGAYO UG KAPASAYLO-AN

O matinabangon ug matarung nga Diyos, nga kanunay nagauban kanamo nga mahimong maloloy-on pinaagi sa Balaang Espiritu, ug nagtudlo kanimo nga mahimong magmapainubsanon ug matarung sa

imong Dalan. Pasaylo-a kami sa among kasal-anan ug mga pagsupak sa among dautan kinaiyahan, maluoy ka Ginoo ug hinomdomi, ang imong unang kaluoy ug ang kamaayo. Pasaylo-a kami sa tanan nga among nahimong kasal-anan ug luwasa kami sa among tanan kaaway ug sa among kawalad-on ihatag kanamo ang grasya magpabilin kaming matarung nga magapakig-uban nga kami magakinabuhi, layo sa kagubot ug luwas gikan sa among kaaway. Itugot mo o Diyos ang among gipangayo pinaagi ni Hesukristo nga siya ang Dios na maluloy-on.
Amen

PAG-AMPO ALANG SA MALIPAYONG KAMINYO-ON

O Ginoong Diyos panalangini kami ug himu-a nga sa kanunay magmalipayon ang among kinabuhing magtiayon; Hinaut nga ang imong dalonggan nga kanunay makadungog sa among pag-ampo hatagi kami sa among gipangayo kani mo nga may kasingkasing nga mahinulsolon ug ang Espiritong masadyaon. Hatagi kami ug kadasig diha sa imong Balaan kinagyahan ug among mabuhat ang maayo ug mahimong andam kauban ang balaan nga Kinaiyahan unta luwason mo kami gikan sa tanan nga mga kagubot. Nga among ikahinagbo pinaagi sa imong gugma, grasya ug kaluoy. Panalip-di kami gikan sa nagsingabut nga kakuyaw sa kinabuhing magtiayon, aron sa dagan nang among kinabuhi, bation ug masinati ang kamaayo mo oh Ginoo ang katam-is sa imongkaluoy. Nga mao ang angkla sa among mga kalag hangtud sa kahangturan. Hatagi kami ug mapaningkamutong Espirito aron ipadala kanamo ang kalipay sa imong mabinihatong gahum ug ang kahimayaan sa imong gingharian. Hatagi kami ug kaisog nga magmapainubsanon sa matag usa aron kami makapasaylo sa dili pa mosalop ang adlaw. Toguti O Ginoo, ang Balaang Espirito nga siya ang magdumala sa among panimalay, aron ang kalipay ug ang pagkatagbaw ang maghari, Ubanan mo kamipinaagi sa Balaang Espirito aron maga-una sa kinabuhi nga angyanan sa imong panan-aw.....Amen

PAG-AMPO ARON KITA MAAYO

Si Jehova mao ang akong magbalantay. Walay magkulang kanako. Siya nagapahigda kanako sa mga sibsibanan nga malunhaw. Siya naga tultol kanako sa daplin sa mga tubig nga malinaw. Gipalig-on

niya ang akong kalag. Gimandu-an niya ako sa mga dalan sa pagkamatarung
tongod sa iyang ngalan. Oo, bisan magalakaw ako latas sa walog sa landong sa
kamatayon, ako walay kahadlok sa
bisan unsa nga dautan. Kay ikaw naga uban kanako. Ang imong
baras ug ang imong sungkod, kini nagapalig-on kanako. Ikaw nagaandam ug
pagka-on sa atubangan ko tinambongan sa akong
mga kaaway. Gidihog mo ang akong ulo sa lana. Ang akong copa nagaawas sa
pagkamatuod ang kaayo sa adlaw nga tanan sa akong kinabuhi. Ug sa balay ni
Jehova magapayo ako sa walay katapusan.

PANALANGIN SA APOSTOL

Ang Grasya sa atong Ginoong Hesukristo
Ug ang gugma sa Diyos Amahan
Ug ang pagpaki-uban sa Balaang Espirito
Maana kanatong tanan karon ug hangtud sa
walay katapusan

Amen...

